



Broj: 01/4-50-3-4-26/16
Sarajevo, 24.6.2016.

Z A P I S N I K

26. sjednice Komisije za finansije i budžet Predstavničkog doma Parlamentarne skupštine BiH, održane 23.6.2016., od 11,00 do 12,20 sati.

Sjednici Komisije prisustvovali su članovi: Predrag Kožul, Salko Sokolović, Mirsad Isaković, Jasmin Emrić i Damir Bećirović.

Opravdano su odsustvovali: Nenad Lalić, Dušanka Majkić, Amir Fazlić i Aleksandra Pandurević.

Sjednici su, također, prisustvovali: Zakira Mujkanović, pomoćnica ministra finansija i trezora BiH, Senada Sijamić, šefica Odjela za unutrašnji dug, Edin Tokić, šef odjela u Ministarstvu finansija i trezora BiH, Jelena Gotovac, predsjedavajuća Ureda za razmatranje žalbi, Dubravko Rodić, šef odjela, i Jasna Kelečević, savjetnica za prinudnu naplatu u Upravi za indirektno oporezivanje BiH, Karlo Holub, saradnik Projekta USAID-SGIP, Nejra Nemarklija-Roić, saradnica Instituta za razvoj mladih KULT, Zoran Brkić, viši stručni saradnik u Odjelu za informiranje Sektora za odnose s javnošću Sekretarijata PSBiH, te Željko Kosmajac, sekretar Komisije.

Sjednici su prisustvovali i predstavnici medija Vesna Stakić, novinarka RTRS-a, i Željka Domazet, novinarka Glasa Srpske.

Sjednicom je predsjedavao Predrag Kožul, predsjedavajući Komisije.

Za sjednicu je predložen sljedeći

DNEVNI RED

1. Usvajanje Zapisnika 25. sjednice Komisije;
2. Razmatranje Informacije o stanju javne zaduženosti Bosne i Hercegovine na dan 31.12.2015. (sačinilac: Ministarstvo finansija i trezora BiH);
3. Razmatranje Izvještaja o radu Ureda za razmatranje žalbi za 2015. godinu (sačinilac: Ured za razmatranje žalbi);
4. Razmatranje Informacije Uprave za indirektno oporezivanje BiH o preduzetim aktivnostima na realizaciji preporuka iz Izvještaja o obavljenoj reviziji učinka o temi: "Upravljanje carinskim terminalima".

Predloženi dnevni red usvojen je jednoglasno.

Ad.1. Usvajanje Zapisnika 25. sjednice Komisije

Zapisnik 25. sjednice Komisije usvojen je jednoglasno, bez primjedbi.

Ad.2. Razmatranje Informacije o stanju javne zaduženosti Bosne i Hercegovine na dan 31.12.2015. (sačinilac: Ministarstvo finansija i trezora BiH)

Informaciju o stanju javne zaduženosti Bosne i Hercegovine na dan 31.12.2015 obrazložila je Zakira Mujkanović, pomoćnica ministra finansija i trezora BiH.

Potom je predsjedavajući otvorio raspravu u kojoj su učestvovali: Predrag Kožul, Zakira Mujkanović, pomoćnica ministra, i Senada Sijamić, šefica Odjela za unutrašnji dug u Ministarstvu finansija i trezora BiH.

Nakon rasprave, Komisija je jednoglasno prihvatila Informaciju o stanju javne zaduženosti Bosne i Hercegovine na dan 31.12.2015.

Ad.3. Razmatranje Izvještaja o radu Ureda za razmatranje žalbi za 2015. godinu (sačinilac: Ured za razmatranje žalbi)

Izvještaj o radu Ureda za razmatranje žalbi za 2015. godinu obrazložila je Jelena Gotovac, predsjedavajuća Ureda za razmatranje žalbi.

Potom je predsjedavajući otvorio raspravu u kojoj su učestvovali: Jasmin Emrić, Damir Bećirović, Predrag Kožul, Salko Sokolović i Jelena Gotovac, predsjedavajuća Ureda za razmatranje žalbi.

Nakon rasprave, Komisija je, s četiri glasa “za” i jednim glasom “suzdržan”, prihvatila Izvještaj o radu s predloženim zaključkom 1. iz Izvještaja.

Također, Komisija je većinom glasova usvojila sljedeće zaključke:

1. „Predstavnički dom Parlamentarne skupštine BiH zadužuje Vijeće ministara BiH da razmotri mjere koje će omogućiti adekvatnu organizacionu strukturu Ureda za razmatranje žalbi i osigurati rad Ureda u punom kapacitetu, na način da se osiguraju dodatna finansijska sredstva za zapošljavanje u Uredu, a u skladu s prioritetima i zahtjevom Ureda za razmatranje žalbi prema Vijeću ministara BiH.“

2. „Komisija za finansije i budžet Predstavničkog doma Parlamentarne skupštine BiH traži od Ureda za razmatranje žalbi da u najkraćem roku dostavi informaciju o 58 upravnih sporova u kojima je Sud BiH uvažio tužbu i poništio odluke Ureda za razmatranje žalbi.“

Ad.4. Razmatranje Informacije Uprave za indirektno oporezivanje BiH o preduzetim aktivnostima na realizaciji preporuka iz Izvještaja o obavljenoj reviziji učinka o temi: “Upravljanje carinskim terminalima“.

Informaciju Uprave za indirektno oporezivanje BiH o preduzetim aktivnostima na realizaciji preporuka iz Izvještaja o obavljenoj reviziji učinka o temi: "Upravljanje carinskim terminalima" obrazložio je Dubravko Rodić, šef odjela u Upravi za indirektno oporezivanje BiH.

Potom je predsjedavajući Komisije otvorio raspravu u kojoj su učestvovali: Predrag Kožul, Damir Bećirović, Dubravko Rodić, šef odjela, i Jasna Kelečević, savjetnica za prinudnu naplatu u Upravi za indirektno oporezivanje BiH.

Nakon rasprave Komisija je jednoglasno usvojila sljedeći zaključak:

„Komisija za finansije i budžet Predstavničkog doma prima k znanju Informaciju Uprave za indirektno oporezivanje BiH o preduzetim aktivnostima na realizaciji preporuka iz Izvještaja o obavljenoj reviziji učinka o temi: "Upravljanje carinskim terminalima" i traži od Upravnog odbora Uprave za indirektno oporezivanje i Uprave za indirektno oporezivanje BiH da u potpunosti realiziraju preporuke Ureda za reviziju institucija BiH povodom revizije učinka o temi: „Upravljanje carinskim terminalima“.

Sekretar Komisije

Željko Kosmajac

Predsjedavajući Komisije

Predrag Kožul

Prilog: Neautorizirani transkript 26. sjednice Komisije za finansije i budžet PDPSBiH